

Co mesirar la qualidad da fusiuns?

In instrument da la Scola auta per tecnica ed economia a Cuir

■ (anr/gc) Sut il titel «Han fusiuns success?» ha la revista «Vischnanca svizra» publitgà in'intervista cun Ursin Fetz, manader dal Center per management d'administraziun a Cuir.

En l'introducziun pon ins leger ch'i vegnia gratulà a mintga vischnanca grischuna che decida da fusiunar. Mo la lavur che suonda na saja betg uschè simpla.

Ina fusiun pretendia temp. Uss datti in instrument da mesirar la qualidad da las fusiuns, in uschenumnà «Fusions-Check», sviluppà da la Scol'auta per tecnica ed economia a Cuir. Quella è futschentada dapi onns da cussegljar las vischnancas tar fusiuns. Quest instrument sa basa sin 47 indicaturs. Suandantamain be insaquants aspects da la vasta tematica da fusiun.

Facturs ch'èn da resguardar

Fin ussa han ins pudì resguardar be insaquants secturs tar fusiuns sco finanzas e participaziun. I mancava in instrument per eruir las consequenzas economicas ed er ils aspects politics e societars. Quella largia serra il menziunà check da fusiun.

Usschia pon ins era discussiunar ussa davart avantatgs e dischavantatgs da fusiuns da vischnancas. Quel mussavia cumpareglia l'idea ed il svilup d'ina vischnanca fusiunada avant e suenter la realisaziun da quella. Da quai profite-schia la vischnanca. A basa dals criteris selecziunads pon quels facturs sa neutralisar viceversa. Ma il mussavia è dad applitgar differenziadamain. Sper ils indicaturs, sco participaziun e furmas intercommunalas da collavuraziun, vegn er intercurrì il dumber da candidats per in uffizi.



Ursin Fetz da Domat, manader dal center per management administrativ.

MAD

La qualidad da la democrazia creschia

Ins astgia spetgar che la qualidad da la democrazia creschia suenter la fusiun, era sche l'indikator participaziun sa reduce-schia. La discussiun actuala davart models optimals da manar ina vischnanca è ina consequenza directa dal trend da fusiun.

Impurtant è – tenor Ursin Fetz – che la nova vischnanca na reageschia betg memia fitg tar producir leschas. La necessaria midada culturala dovria temp. Im-

purtants èn facturs societars, sco esser manavel als burgais, l'integrasiun sociala e l'identificaziun cun la vischnanca. Exclud è ch'ina fusiun possia disdir totalmain.

Esser manavel als burgais

A las novas autoritads communalas recumonda Ursin Fetz d'esser criticas visavi novs giavischs. Success garanteschian per regla las personalitads en l'uffizi public.

Impurtant saja er in barat intensiv da mainis cun la populaziun per uschia restar manavel als burgais. I saja perquai d'avantatg dad er organiser en las anteriuras vischnancas radunanzas d'orientaziun – per sentir il puls.

Fusiuns possian dentant gidar bleras vischnancas. Il center d'administraziun e management d'Ursin Fetz cumpiglia ed analisescha las datas persuerter. En in work-shop comunabel vegnan ils resultats alur discussiunads.